

## TEYLOR VA MAKLOREN QATORLARI. AYRIM FUNKSIYALARNING MAKLOREN QATORLARI.

*Latipova Shahnoza Salim qizi*

*Osiyo Xalqaro Universiteti*

*“Umumtexnik fanlar” kafedrası o’qituvchisi*

*slatipova543@gmail.com*

**ANNOTATSIYA:** Yig‘indisi berilgan ixtiyoriy marta differensiallanuvchi funksiyaga teng bo‘ladigan darajali qatorlarning mavjudligi va ularni topish masalasi Teylor va uning xususiy holi bo‘lgan Makloren qatorlari yordamida o‘rganiladi. Bunda berilgan funksiya bo‘yicha tuzilgan darajali qatorning yaqinlashish oralig‘ini topish va bu qator yig‘indisini berilgan funksiyaga teng bo‘lish shartlarini aniqlash masalalari qaraladi. Bunda Makloren qatorining Lagranj ko‘rinishidagi qoldiq hadi muhim ahamiyatga ega bo‘ladi. Asosiy elementar va ayrim elementar funksiyalarning Makloren qatorlari topilib, ularning yaqinlashish sohasi aniqlanadi.

**Kalit so‘zlar:** Teylor qatori, Qoldiq had, Teylor qatorining yaqinlashishi, Qoldiq hadning Lagranj ko‘rinishi, Makloren qatori, Binomial qator

### 1. Teylor va Makloren qatorlari. Ma’lumki berilgan ushbu

$$a_0 + a_1(x - x_0) + a_2(x - x_0)^2 + \dots + a_n(x - x_0)^n + \dots = \sum_{k=0}^{\infty} a_k(x - x_0)^k \quad (1)$$

darajali qatorning yig‘indisi  $(x_0 - R, x_0 + R)$  yaqinlashish oralig‘ida ixtiyoriy marta differensiallanuvchi biror  $S(x)$  funksiyani aniqlaydi. Endi bu masalani teskarisini, ya’ni yig‘indisi berilgan  $f(x)$  funksiyaga teng bo‘lgan (1) darajali qatorni topish masalasini qaraymiz. Albatta bunda  $f(x)$  funksiya biror  $x = x_0$  nuqta va uning qandaydir atrofida ixtiyoriy marta differensiallanuvchi deb hisoblanadi. Bu muammo juda ko‘p nazariy va amaliy masalalarni yechishda paydo bo‘ladi va ularning ayrimlarini keyinchalik ko‘rib o‘tamiz. Buning uchun  $x = x_0$  nuqtaning biror atrofida

$$f(x) = a_0 + a_1(x - x_0) + a_2(x - x_0)^2 + \dots + a_n(x - x_0)^n + \dots \quad (2)$$

tenglik o‘rinli deb faraz qilamiz. Bu tenglikdagi  $a_n$  ( $n=0,1,2,\dots$ ) koeffitsiyentlarni topamiz. Dastlab (2) darajali qatorda  $x = x_0$  deb  $a_0 = f(x_0) = f^{(0)}(x_0)$  ekanligini ko‘ramiz. Endi (2) darajali qatorni hadlab differensiallab,

$$f(x) = a_1 + 2a_2(x - x_0) + 3a_3(x - x_0)^2 + \dots + na_n(x - x_0)^{n-1} + \dots$$

tenglikka ega bo‘lamiz va undan  $a_1 = f'(x_0) = f^{(1)}(x_0)$  natijani olamiz. Oxirgi darajali qatorni yana bir marta differensiallab,

$$f(x) = 2 \cdot 1a_2 + 3 \cdot 2a_3(x - x_0) + \dots + n(n-1)a_n(x - x_0)^{n-2} + \dots$$

darajali qatorni hosil etamiz va unda  $x = x_0$  deb  $a_2 = f''(x_0)/(2 \cdot 1) = f^{(2)}(x_0)/2!$  ekanligini ko‘ramiz. Bu jarayonni davom ettirib, (2) darajali qator koeffitsiyentlari uchun

$$a_n = \frac{f^{(n)}(x_0)}{n!}, \quad n = 0, 1, 2, \dots \quad (3)$$

formulani hosil qilamiz.

(3) formula orqali topiladigan  $a_n$  koeffitsiyentlardan foydalanib, ushbu darajali qatorni hosil etamiz:

$$f(x_0) + \frac{f'(x_0)}{1!}(x-x_0) + \frac{f''(x_0)}{2!}(x-x_0)^2 + \dots + \frac{f^{(n)}(x_0)}{n!}(x-x_0)^n + \dots \quad (3)$$

**1-TA'RIF:** (3) darajali qator  $f(x)$  funksiya uchun **Taylor qatori** deb ataladi.

Shuni ta'kidlab o'tish kerakki, (3) qatorga o'xshash qatorlar dastlab 1694 yilda shveysariyalik buyuk matematik I. Bernulli tomonidan qaralgan, ammo (3) ko'rinishda ingliz matematigi B.Taylor (1685–1731 y.) tomonidan 1812 yilda chop etilgan.

Berilgan  $f(x)$  bo'yicha hosil qilingan (3) Taylor qatorini qarayotganimizda quyidagi uch hol bo'lishi mumkin:

- (3) darajali qator  $x=x_0$  nuqtadan boshqa barcha nuqtalarda uzoqlashuvchi ;
- (3) qator yaqinlashuvchi, ammo uning yig'indisi berilgan  $f(x)$  funksiyadan farqli boshqa bir funksiyadan iborat. Bunga misol sifatida

$$f(x) = \begin{cases} e^{-1/x^2}, & x \neq 0, \\ 0, & x = 0 \end{cases} \quad (4)$$

funksiyani qaraymiz. Bu funksiya ixtiyoriy marta differensiallanuvchi va uning barcha hosilalari  $x_0=0$  nuqtada  $f^{(n)}(0)=0$  ( $n=0,1,2,\dots$ ) shartni qanoatlantirishini ko'rsatish mumkin. Shu sababli (4)

funksiyaning Taylor qatori  $\sum_{k=0}^{\infty} x^k$  ko'rinishda bo'lib, uning yig'indisi  $S(x)=0 \neq f(x)$

funksiyadan iboratdir;

- (3) qator yaqinlashuvchi va uning yig'indisi berilgan  $f(x)$  funksiyaga teng .

Biz uchun oxirgi hol bo'lishi maqsadga muvofiq va buning uchun  $f(x)$  funksiya qanday shartni qanoatlantirishi kerakligini aniqlaymiz. Bu maqsadda  $f(x)$  funksiya va uning (3) Taylor qatori bo'yicha hosil qilingan ushbu funksiyani qaraymiz:

$$R_n(x) = f(x) - \sum_{k=0}^n \frac{f^{(k)}(x_0)}{k!}(x-x_0)^k \quad (5)$$

**2-TA'RIF:** (5) funksiya  $f(x)$  funksiya Taylor qatorining  **$n$ -qoldiq hadi** deyiladi.

(3) va (5) tengliklardan bevosita quyidagi teorema kelib chiqadi:

**1-TEOREMA:** Berilgan  $f(x)$  funksiyaning (3) Taylor qatori  $x=x_0$  nuqtaning biror atrofida yaqinlashuvchi va uning yig'indisi  $f(x)$  funksiyaga teng bo'lishi uchun uning (5) qoldiq hadi shu atrofda barcha  $x$  nuqtalarda

$$\lim_{n \rightarrow \infty} R_n(x) = 0 \quad (6)$$

shartni qanoatlantirishi zarur va yetarlidir.

Shunday qilib, (6) shart bajarilganda

$$f(x) = f(x_0) + \frac{f'(x_0)}{1!}(x-x_0) + \frac{f''(x_0)}{2!}(x-x_0)^2 + \dots + \frac{f^{(n)}(x_0)}{n!}(x-x_0)^n + \dots$$

yoki, qisqacha qilib yozganda,

$$f(x) = \sum_{k=0}^{\infty} \frac{f^{(k)}(x_0)}{k!}(x-x_0)^k \quad (7)$$

tenglik o'rinli bo'ladi.

Agar  $f(x)$  funksiya (1) ko'rinishdagi biror darajali qatorga yoyilsa, bu qator albatta (7) Taylor qatoridan iborat bo'lishi tushunarlidir. Bundan  $f(x)$  funksiya darajali qatorga yoyilsa, bu qator yagona ravishda aniqlanishi kelib chiqadi.

(6) shartni bevosita tekshirish qiyin va shu sababli Teylor qatorining (5) qoldiq hadini

$$R_n(x) = \frac{f^{(n+1)}(c)}{(n+1)!} (x - x_0)^{n+1}, \quad c \in (x_0, x) \quad (8)$$

ko‘rinishda yozish mumkinligidan foydalanamiz (bu tasdiqni isbotsiz qabul etamiz).

**3-TA’RIF:** (8) tenglik  $f(x)$  funksiya uchun Teylor qatorining **Lagranj ko‘rinishidagi  $n$ -qoldiq hadi** deyiladi.

Teylor qatorining Lagrang ko‘rinishidagi (8) qoldiq hadidan foydalanib, (6) shart bajarilishi uchun yetarli shartni topamiz.

**2-TEOREMA:** Agar  $f(x)$  funksiya va uning hosilalari biror  $[x_0 - \alpha, x_0 + \alpha]$  kesmada yuqoridan bir xil son bilan chegaralangan, ya’ni biror musbat  $M$  soni uchun

$$|f^{(n)}(x)| \leq M \quad (n = 0, 1, 2, \dots), \quad x \in [x_0 - \alpha, x_0 + \alpha], \quad (9)$$

tengsizliklar o‘rinli bo‘lsa, unda (6) shart bajariladi.

**Isbot:** (9) shart bajarilganda, (8) formulaga asosan, (5) qoldiq hadni quyidagicha baholash mumkin:

$$|R_n(x)| = \frac{|f^{(n+1)}(c)|}{(n+1)!} |x - x_0|^{n+1} \leq \frac{M}{(n+1)!} |x - x_0|^{n+1} \leq \frac{M}{(n+1)!} \alpha^{n+1}.$$

Bu yerdan (6) shart bajarilishi uchun

$$\lim_{n \rightarrow \infty} \frac{\alpha^n}{n!} = 0 \quad (10)$$

ekanligini ko‘rsatish kifoya. Agar  $0 \leq \alpha \leq 1$  bo‘lsa, (10) tenglik bajarilishi ravshan va shu sababli  $\alpha > 1$  holni qarash yetarli. Bu holda  $u_n = \alpha^n/n!$  deb belgilasak, unda

$$\lim_{n \rightarrow \infty} \frac{u_{n+1}}{u_n} = \lim_{n \rightarrow \infty} \frac{\alpha}{n+1} = 0$$

tenglik o‘rinli bo‘ladi. Bu yerdan biror  $N$  soni uchun  $n > N$  bo‘lganda  $u_{n+1} < u_n$ , ya’ni  $u_n$  monoton kamayuvchi ketma-ketlik ekanligini ko‘ramiz. Bundan tashqari  $u_n > 0$ , ya’ni bu ketma-ketlik quyidan chegaralangan. Shu sababli monoton ketma-ketlik limiti haqidagi teoremaga asosan

$\lim_{n \rightarrow \infty} u_n = A \geq 0$  limit mavjud. Bu holda

$$A = \lim_{n \rightarrow \infty} u_{n+1} = \lim_{n \rightarrow \infty} \left( u_n \cdot \frac{\alpha}{n+1} \right) = \lim_{n \rightarrow \infty} u_n \cdot \lim_{n \rightarrow \infty} \frac{\alpha}{n+1} = A \cdot 0 = 0.$$

Demak, haqiqatan ham (10) tenglik o‘rinli va shu sababli (6) shart bajariladi.

Odatda Teylor qatorida  $x_0=0$  bo‘lgan hol, ya’ni

$$f(x) = f(0) + \frac{f'(0)}{1!}x + \frac{f''(0)}{2!}x^2 + \dots + \frac{f^{(n)}(0)}{n!}x^n + \dots = \sum_{k=0}^{\infty} \frac{f^{(k)}(0)}{k!}x^k \quad (11)$$

darajali qator keng qo‘llaniladi.

**4-TA’RIF:** (11) darajali qator  $f(x)$  funksiyaning **Makloren qatori** deb ataladi.

Makloren qatori uchun qoldir hadning Lagranj ko‘rinishi quyidagicha bo‘ladi:

$$R_n(x) = \frac{f^{(n+1)}(c)}{(n+1)!} x^{n+1}, \quad c \in (0, x).$$

**2. Ayrim funksiyalarning Makloren qatorlari .** Dastlab bir nechta  $f(x)$  elementar funksiyalar uchun Makloren qatorlarini yozib, ularning yaqinlashish sohasini va berilgan  $f(x)$  funksiyaga yaqinlashuvini tekshiramiz.

•  $f(x)=\sin x$ . Bu funksiya uchun ixtiyoriy tartibli hosila mavjud va ularni birin-ketin topamiz:

$$f(x) = \cos x, f'(x) = -\sin x, f''(x) = -\cos x, f^{(4)}(x) = \sin x, \dots, \\ f^{(n+4)}(x) = f^{(n)}(x), n = 0, 1, 2, \dots$$

Bu yerdan quyidagi tengliklarga ega bo‘lamiz:

$$f(0) = 0, f'(0) = 1, f''(0) = 0, f^{(3)}(0) = -1, f^{(4)}(0) = 0, \dots, \\ f^{(2n)}(0) = 0, f^{(2n+1)}(0) = (-1)^n$$

$f(x)=\sin x$  funksiya Makloren qatorining qoldiq hadini baholash uchun uning hosilalarini, keltirish formulalariga asosan,

$$f^{(n)}(x) = \sin\left(x + \frac{\pi}{2}n\right)$$

ko‘rinishda yozish mumkinligidan foydalanamiz. Bu yerdan ixtiyoriy  $x$  uchun  $|f^{(n)}(x)| \leq 1$  ekanligi kelib chiqadi. Demak, 2-teoremaga asosan,  $f(x)=\sin x$  funksiyaning Makloren qatori  $(-\infty, \infty)$  oraliqda yaqinlashuvchi va uning yig‘indisi shu funksiyaning o‘ziga teng, ya’ni

$$\sin x = x - \frac{x^3}{3!} + \frac{x^5}{5!} - \frac{x^7}{7!} + \dots + (-1)^{n+1} \frac{x^{2n-1}}{(2n-1)!} + \dots = \sum_{k=0}^{\infty} (-1)^{k+1} \frac{x^{2k+1}}{(2k+1)!} \quad (12)$$

•  $f(x)=\cos x$ . Bu funksiya uchun ham ixtiyoriy tartibli hosila mavjud va ular  $f(x) = -\sin x, f'(x) = -\cos x, f''(x) = \sin x, f^{(4)}(x) = \cos x, \dots, \\ f^{(n+4)}(x) = f^{(n)}(x), n = 0, 1, 2, \dots$

tengliklar bilan aniqlanadi. Bu yerdan quyidagi tengliklarga ega bo‘lamiz:

$$f(0) = 1, f'(0) = 0, f''(0) = -1, f^{(3)}(0) = 0, f^{(4)}(0) = 1, \dots, \\ f^{(2n)}(0) = (-1)^n, f^{(2n+1)}(0) = 0$$

$f(x)=\cos x$  funksiya uchun ham uning hosilalarini

$$f^{(n)}(x) = \cos\left(x + \frac{\pi}{2}n\right)$$

ko‘rinishda yozish mumkinligidan foydalanib, ixtiyoriy  $x$  uchun  $|f^{(n)}(x)| \leq 1$  ekanligini ko‘ramiz. Demak, 2-teoremaga asosan,  $f(x)=\cos x$  funksiyaning Makloren qatori  $(-\infty, \infty)$  oraliqda yaqinlashuvchi va

$$\cos x = 1 - \frac{x^2}{2!} + \frac{x^4}{4!} - \frac{x^6}{6!} + \dots + (-1)^n \frac{x^{2n}}{(2n)!} + \dots = \sum_{k=0}^{\infty} (-1)^k \frac{x^{2k}}{(2k)!} \quad (13)$$

tenglik o‘rinlidir.

•  $f(x)=e^x$ . Bu funksiyaning ixtiyoriy tartibli hosilasi mavjud va  $f^{(n)}(x)=e^x$  va  $f^{(n)}(0)=1$  ( $n=0, 1, 2, \dots$ ) bo‘ladi. Bundan tashqari, ixtiyoriy  $A$  musbat soni uchun  $[-A, A]$  kesmada  $f^{(n)}(x) < e^A$  ( $n=0, 1, 2, \dots$ ), ya’ni (9) shart bajariladi. Bulardan,  $f(x)=e^x$  funksiyaning Makloren qatori  $(-\infty, \infty)$  oraliqda yaqinlashuvchi va

$$e^x = 1 + \frac{x}{1!} + \frac{x^2}{2!} + \dots + \frac{x^n}{n!} + \dots = \sum_{k=0}^{\infty} \frac{x^k}{k!} \quad (14)$$

ko‘rinishda bo‘lishi kelib chiqadi.

•  $f(x)=\operatorname{sh}x$ . **Giperbolik sinus** deb ataladigan bu funksiyaning Makloren qatorini topish uchun dastlab (14) qatorda  $x$  o‘zgaruvchini  $-x$  bilan almashtiramiz:

$$e^{-x} = 1 - \frac{x}{1!} + \frac{x^2}{2!} - \frac{x^3}{3!} + \dots + (-1)^n \frac{x^n}{n!} + \dots = \sum_{k=0}^{\infty} (-1)^k \frac{x^k}{k!} \quad (15)$$

(14) va (15) Makloren qatorlarni hadma-had ayirish orqali  $(-\infty, \infty)$  oraliqda o‘rinli bo‘lgan

$$\operatorname{sh}x = \frac{e^x - e^{-x}}{2} = x + \frac{x^3}{3!} + \frac{x^5}{5!} + \dots + \frac{x^{2n+1}}{(2n+1)!} + \dots = \sum_{k=0}^{\infty} \frac{x^{2k+1}}{(2k+1)!} \quad (16)$$

natijani olamiz.

•  $f(x)=\operatorname{ch}x$ . **Giperbolik kosinus** deb ataladigan bu funksiyaning Makloren qatorini topish uchun (14) va (15) qatorlarni hadlab qo‘shamiz:

$$\operatorname{ch}x = \frac{e^x + e^{-x}}{2} = 1 + \frac{x^2}{2!} + \frac{x^4}{4!} + \dots + \frac{x^{2n}}{(2n)!} + \dots = \sum_{k=0}^{\infty} \frac{x^{2k}}{(2k)!} \quad (17)$$

Bu qatorning ham yaqinlashish oralig‘i  $(-\infty, \infty)$  bo‘ladi.

•  $f(x)=(1+x)^\alpha$ . Bunda  $\alpha$ - ixtiyoriy o‘zgarmas sonni ifodalaydi. Bu funksiyaning hosilalarini topamiz:

$$f(x) = \alpha(1+x)^{\alpha-1}, \quad f'(x) = \alpha(\alpha-1)(1+x)^{\alpha-2}, \quad \dots, \\ f^{(m)}(x) = \alpha(\alpha-1)(\alpha-2)\dots(\alpha-m+1)(1+x)^{\alpha-m}, \quad m = 0, 1, 2, \dots$$

Berilgan  $f(x)=(1+x)^\alpha$  funksiyaning Makloren qatori  $(-1, 1)$  oraliqda yaqinlashuvchi va uning yig‘indisi funksiyaning o‘ziga teng bo‘lishini ko‘rsatish mumkin, ya‘ni

$$(1+x)^\alpha = 1 + \frac{\alpha}{1!}x + \frac{\alpha(\alpha-1)}{2!}x^2 + \dots + \frac{\alpha(\alpha-1)\dots(\alpha-n+1)}{n!}x^n + \dots = \\ = \sum_{k=0}^{\infty} \frac{\alpha(\alpha-1)\dots(\alpha-k+1)}{k!}x^k \quad (18)$$

munosabat o‘rinli bo‘ladi. Bu darajali qator **binomial qator** deb ataladi.

**Izoh:** Agar (15) qatorda  $\alpha=n=1, 2, 3, \dots$ , ya‘ni natural songa teng bo‘lsa, unda  $m>n$  holda  $f^{(m)}(x)=0$  bo‘ladi. Natijada (15) qator chekli yig‘indiga aylanib, undan

$$(1+x)^n = \sum_{k=0}^n C_n^k x^k, \quad C_n^k = \frac{n!}{k!(n-k)!} = \frac{n(n-1)\dots(n-k+1)}{k!},$$

ya‘ni Nyuton binomi (I bob, §3, (5) ga qarang) kelib chiqadi.

Binomial qatorning kelgusida qo‘llaniladigan ikkita xususiy holini qaraymiz:

$$(1+x)^{-1} = \frac{1}{1+x} = 1 - x + x^2 - x^3 + \dots + (-1)^{n+1}x^n + \dots = \sum_{k=0}^{\infty} (-1)^k x^k; \quad (19)$$

$$(1+x)^{-1/2} = \frac{1}{\sqrt{1+x}} = 1 - \frac{1}{2}x + \frac{1 \cdot 3}{2 \cdot 4}x^2 - \frac{1 \cdot 3 \cdot 5}{2 \cdot 4 \cdot 6}x^3 + \dots +$$

$$+ (-1)^n \frac{1 \cdot 3 \cdot \dots \cdot (2n-1)}{2 \cdot 4 \cdot \dots \cdot 2n} x^n + \dots = \sum_{k=0}^{\infty} (-1)^k \frac{(2k-1)!!}{(2k)!!} x^k \quad (20)$$

(20) Makloren qatorida  $(2k-1)!!$  belgi  $2k-1$  va ungacha bo'lgan toq sonlar,  $(2k)!!$  esa  $2k$  va ungacha bo'lgan juft sonlar ko'paytmasini ifodalaydi.

•  $f(x)=\ln(1+x)$ . (19) qatorda  $x$  o'zgaruvchini  $t$  bilan almashtirib va bu qatorni  $(0, x)$  oraliqda ( $|x|<1$ ) hadlab integrallab, ushbu Makloren qatorini hosil etamiz:

$$\ln(1+x) = \int_0^x \frac{dt}{1+t} = \int_0^x \sum_{k=0}^{\infty} (-1)^k t^k dt = \sum_{k=0}^{\infty} (-1)^k \int_0^x t^k dt = \sum_{k=0}^{\infty} (-1)^k \frac{x^{k+1}}{k+1} \quad (21)$$

(21) darajali qator sifatida  $x=1$  nuqtada ham yaqinlashuvchi bo'lishi oldin (§4, (16) ga qarang) ko'rsatilgan edi. Endi  $x=1$  nuqtada bu qatorning yig'indisi  $S=\ln 2$  bo'lishini, ya'ni

$$\ln 2 = 1 - \frac{1}{2} + \frac{1}{3} - \frac{1}{4} + \dots + (-1)^{n+1} \frac{1}{n+1} + \dots = \sum_{k=0}^{\infty} (-1)^{k+1} \frac{1}{k+1} \quad (22)$$

tenglik o'rinli ekanligini ko'rsatamiz. Buning uchun

$$\frac{1}{1+x} = 1 - x + x^2 - x^3 + \dots + (-1)^n x^n + (-1)^{n+1} \frac{x^{n+1}}{1+x}$$

ayniyatni  $[0, 1]$  kesma bo'yicha hadlab integrallaymiz:

$$\int_0^1 \frac{dx}{1+x} = \int_0^1 dx - \int_0^1 x dx + \int_0^1 x^2 dx - \int_0^1 x^3 dx + \dots + (-1)^n \int_0^1 x^n dx + (-1)^{n+1} \int_0^1 \frac{x^{n+1}}{1+x} dx$$

$$\ln 2 = 1 - \frac{1}{2} + \frac{1}{3} - \frac{1}{4} + \dots + (-1)^n \frac{1}{n+1} + R_n = S_n + R_n$$

Bu yerdan (22) tenglik quyidagicha keltirib chiqariladi:

$$|R_n| = \left| \int_0^1 \frac{x^{n+1}}{1+x} dx \right| \leq \int_0^1 x^{n+1} dx = \frac{1}{n+2} \quad \lim_{n \rightarrow \infty} R_n = 0 \quad \lim_{n \rightarrow \infty} S_n = \ln 2$$

Demak, (21) Makloren qatorining yaqinlashish sohasi  $(-1, 1]$  yarim oraliqdan iboratdir.

•  $f(x)=\arctg x$ . (19) darajali qatorda  $x$  o'zgaruvchini  $t^2$  bilan almashtirib va bu qatorni  $(0, x)$  oraliqda ( $|x|<1$ ) hadlab integrallab,

$$\arctg x = \int_0^x \frac{dt}{1+t^2} = \int_0^x \sum_{k=0}^{\infty} (-1)^k t^{2k} dt = \sum_{k=0}^{\infty} (-1)^k \int_0^x t^{2k} dt = \sum_{k=0}^{\infty} (-1)^k \frac{x^{2k+1}}{2k+1} \quad (23)$$

Makloren qatoriga ega bo'lamiz. Bu darajali qator  $x=\pm 1$  chegaraviy nuqtalarda Leybnits shartlarini qanoatlantiruvchi va shu sababli yaqinlashuvchi bo'lgan ishorasi navbatlanuvchi sonli qatorga aylanadi. Yuqoridagiga o'xshab,  $x=\pm 1$  bo'lganda uning yig'indisi  $S=\arctg(\pm 1)=\pm \pi/4$  bo'lishini ko'rsatish mumkin. Shu sababli (23) Makloren qatorining yaqinlashish sohasi  $[-1, 1]$  kesmadan iboratdir.

•  $f(x)=\arcsin x$ . (20) darajali qatorda  $x$  o'zgaruvchini  $-t^2$  bilan almashtirib va hosil bo'lgan qatorni  $(0, x)$  oraliqda ( $|x|<1$ ) hadlab integrallab, berilgan funksiyaning ushbu

$$\arcsin x = \int_0^x \frac{dt}{\sqrt{1-t^2}} = \int_0^x \sum_{k=0}^{\infty} \frac{(2k-1)!!}{(2k)!!} t^{2k} dt = \sum_{k=0}^{\infty} \frac{(2k-1)!!}{(2k)!!} \int_0^x t^{2k} dt =$$

$$= \sum_{k=0}^{2k-1} \frac{(2k-1)!!}{(2k)!!} \frac{x^{2k+1}}{2k+1} \quad (24)$$

Makloren qatorini hosil qilamiz. Bu qator  $x=\pm 1$  nuqtalarda ham yaqinlashuvchi va yig'indisi  $\arcsin(\pm 1)=\pm\pi/2$  bo'lishini ko'rsatish mumkin. Demak, (24) Makloren qatorining yaqinlashish sohasi  $[-1, 1]$  kesmadan iboratdir.

Bu qatorlardan foydalanib boshqa funksiyalarning Makloren qatorlarini topish mumkin. Misol sifatida  $f(x)=\cos^2 x$  funksiyaning Makloren qatorini aniqlaymiz. Buning uchun uni

$$\cos^2 x = \frac{1 + \cos 2x}{2} = \frac{1}{2}(1 + \cos 2x) \quad (25)$$

ko'rinishda yozamiz. Endi  $y=\cos x$  funksiyaning (13) Makloren qatorida  $x$  o'zgaruvchini  $2x$  bilan almashtirib,  $y=\cos 2x$  funksiya Makloren qatorini hosil etamiz:

$$\cos 2x = 1 - \frac{2^2 x^2}{2!} + \frac{2^4 x^4}{4!} - \frac{2^6 x^6}{6!} + \dots + (-1)^n \frac{2^{2n} x^{2n}}{(2n)!} + \dots = \sum_{k=0}^{\infty} (-1)^k \frac{2^{2k} x^{2k}}{(2k)!} .$$

Bu natijani (25) tenglikka qo'yib, berilgan funksiyaning Makloren qatoriga ega bo'lamiz:

$$\cos^2 x = \frac{1}{2}(1 + \cos 2x) = 1 - \frac{2x^2}{2!} + \frac{2^3 x^4}{4!} - \frac{2^5 x^6}{6!} + \dots + (-1)^n \frac{2^{2n-1} x^{2n}}{(2n)!} + \dots$$

### Foydalanilgan adabiyotlar ro'yhati.

1. Latipova, S. (2024). YUQORI SINFLARDA GEOMETRIYA MAVZUSINI O'QITISHDA YANGI PEDAGOGIK TEXNOLOGIYALAR VA METODLAR. SINKVEYN METODI, VENN DIAGRAMMASI METODLARI HAQIDA. Theoretical aspects in the formation of pedagogical sciences, 3(3), 165-173.
2. Latipova, S. (2024, February). SAVOL-JAVOB METODI, BURCHAKLAR METODI, DEBAT (BAHS) METODLARI YORDAMIDA GEOMETRIYANI O'RGANISH. In Международная конференция академических наук (Vol. 3, No. 2, pp. 25-33).
3. Latipova, S., & Sharipova, M. (2024). KESIK PIRAMIDA MAVZUSIDA FOYDALANILADIGAN YANGI PEDAGOGIK TEXNOLOGIYALAR. 6X6X6 METODI, BBB (BILARDIM, BILMOQCHIMAN, BILIB OLDIM) METODLARI HAQIDA. Current approaches and new research in modern sciences, 3(2), 40-48.
4. Latipova, S. (2024). 10-11 SINFLARDA STEREOMETRIYA OQITISHNING ILMIY VA NAZARIY ASOSLARI. Академические исследования в современной науке, 3(6), 27-35.
5. Latipova, S. (2024). HILFER HOSILASI VA UNI HISOBLASH USULLARI. Центральноеазиатский журнал образования и инноваций, 3(2), 122-130.
6. Latipova, S. (2024). HILFER MA'NOSIDA KASR TARTIBLI TENGLAMALAR UCHUN KOSHI MASALASI. Development and innovations in science, 3(2), 58-70.
7. Latipova, S. (2024). KESIK PIRAMIDA TUSHUNCHASI. KESIK PIRAMIDANING YON SIRTINI TOPISH FORMULALARI. Models and methods in modern science, 3(2), 58-71.
8. Shahnoza, L. (2023, March). KASR TARTIBLI TENGLAMALARDA MANBA VA BOSHLANG'ICH FUNKSIYANI ANIQLASH BO'YICHA TESKARI MASALALAR. In "Conference on Universal Science Research 2023" (Vol. 1, No. 3, pp. 8-10).
9. qizi Latipova, S. S. (2024). CAPUTO MA'NOSIDAGI KASR TARTIBLI TENGLAMALARDA MANBA FUNKSIYANI ANIQLASH BO 'YICHA TO 'G 'RI MASALALAR. GOLDEN BRAIN, 2(1), 375-382.

10. Latipova, S. S. (2023). SOLVING THE INVERSE PROBLEM OF FINDING THE SOURCE FUNCTION IN FRACTIONAL ORDER EQUATIONS. *Modern Scientific Research International Scientific Journal*, 1(10), 13-23.
11. Latipova, S. (2024). GEOMETRIYADA EKSTREMAL MASALALAR. В DEVELOPMENT OF PEDAGOGICAL TECHNOLOGIES IN MODERN SCIENCES (Т. 3, Выпуск 3, сс. 163–172).
12. Latipova, S. (2024). EKSTREMUMNING ZARURIY SHARTI. В SOLUTION OF SOCIAL PROBLEMS IN MANAGEMENT AND ECONOMY (Т. 3, Выпуск 2, сс. 79–90).
13. Latipova, S. (2024). FUNKSIYANING KESMADAGI ENG KATTA VA ENG KICHIK QIYMATI. В CURRENT APPROACHES AND NEW RESEARCH IN MODERN SCIENCES (Т. 3, Выпуск 2, сс. 120–129).
14. Latipova, S. (2024). EKSTREMUMLARNING YUQORI TARTIBLI HOSILA YORDAMIDA TEKSHIRILISHI. IKKINCHI TARTIBLI HOSILA YORDAMIDA EKSTREMUMGA TEKSHIRISH. В SCIENCE AND INNOVATION IN THE EDUCATION SYSTEM (Т. 3, Выпуск 3, сс. 122–133).
15. Latipova, S. (2024). BIR NECHA O'ZGARUVCHILI FUNKSIYANING EKSTREMUMLARI. В THEORETICAL ASPECTS IN THE FORMATION OF PEDAGOGICAL SCIENCES (Т. 3, Выпуск 4, сс. 14–24).
16. Latipova, S. (2024). SHARTLI EKSTREMUM. В МЕЖДУРОДНАЯ КОНФЕРЕНЦИЯ АКАДЕМИЧЕСКИХ НАУК (Т. 3, Выпуск 2, сс. 61–70).
17. Latipova, S. (2024). KASR TARTIBLI HOSILALARGA BO'LGAN ILK QARASHLAR. В CENTRAL ASIAN JOURNAL OF EDUCATION AND INNOVATION (Т. 3, Выпуск 2, сс. 46–51).
18. Latipova, S. (2024). TURLI EKSTREMAL MASALALAR. BAZI QADIMIY EKSTREMAL MASALALAR. В CENTRAL ASIAN JOURNAL OF EDUCATION AND INNOVATION (Т. 3, Выпуск 2, сс. 52–57).
19. Latipova, S. (2024). FUNKSIYA GRAFIGINI YASASHDA EKSTREMUMNING QO'LLANILISHI. В CENTRAL ASIAN JOURNAL OF EDUCATION AND INNOVATION (Т. 3, Выпуск 2, сс. 58–65).
20. Latipova, S. (2024). BIRINCHI TARTIBLI HOSILA YORDAMIDA FUNKSIYANING EKSTREMUMGA TEKSHIRISH, FUNKSIYANING EKSTREMUMLARI. В CENTRAL ASIAN JOURNAL OF EDUCATION AND INNOVATION (Т. 3, Выпуск 2, сс. 66–72).
21. Sharipova, M., & Latipova, S. (2024). TAKRORIY GRUPPALASHLAR. Development of pedagogical technologies in modern sciences, 3(3), 134-142.
22. Shahnoza Latipova. (2024). THE STRAIGHT LINE AND ITS DIFFERENT DEFINITIONS. *Multidisciplinary Journal of Science and Technology*, 4(3), 771–780.
23. Sharipova, M., & Latipova, S. (2024). IKKI O'ZGARUVCHILI TENGLAMALAR SISTEMASI. *Центральноазиатский журнал образования и инноваций*, 3(2 Part 2), 93-103.
24. Latipova, S. (2024). THE STRAIGHT LINE AND ITS DIFFERENT DEFINITIONS. *Multidisciplinary Journal of Science and Technology*, 4(3), 771-780.
25. Latipova, S. (2024). KO 'PO 'ZGARUVCHILI FUNKSIYALARNING TURLI TA'RIFLARI. *PEDAGOG*, 7(5), 618-626.
26. Latipova Shahnoza. (2024). FAZODA ANALITIK GEOMETRIYANING SODDA MASALALARI. МЕДИЦИНА, ПЕДАГОГИКА И ТЕХНОЛОГИЯ: ТЕОРИЯ И ПРАКТИКА, 2(9), 406–419.